

漢書

漢書門類			
三	三	四	二
九	九	二	號
一	〇	九	架
冊			

內閣文庫			
三	三	四	漢
一	一	二	書
函	〇	一	號
七			架
			類

內閣文庫			
番號	漢	3342	
冊數	10 ( 9 )		
函號	311	77	

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



續集宗門統要卷第十

建溪沙 宗永集

建康保寧禪寺住持沙門 清茂續集

青原下第七世

草菴義嗣法一人


泉州龜洋忠禪師 不列章次

同安丕嗣法一人

洪州同安志禪師 不列章次

石門猷嗣法一人

石門二世徹禪師 不列章次



護國澄嗣法一人

隨州護國二世遠禪師不列章次

同安威嗣法一人

中同安志禪師不列章次

玄沙偁嗣法七人

漳州羅漢桂琛禪師亦注地藏福州安國慧球禪師亦注龍

杭州天龍重機禪師 婺州國泰瑫禪師

福州大章山如菴主 國清大靜上座

了院主已上五人 不列章次

長慶稜嗣法十人

泉州招慶法因禪師 福州報慈光雲禪師

婺州報恩實資禪師 新羅龜山和尚

泉州太尉王延彬 杭州傾心法瑫禪師

吉州資國和尚 廬山開先紹宗禪師

演侍者 度上座已上五人 不列章次

安國瑫嗣法二人

福州永隆彥端禪師 福州林陽志端禪師不列章次

保福展嗣法四人

泉州招慶省燈禪師 漳州報恩道熙禪師

潭州延壽慧論禪師 舒州山谷崇禪師已上二人 不列章次

雲門偃嗣法一十四人

韶州白雲子祥禪師 岳州巴陵顥鑒禪師

隨州智門師寬禪師明亦曰襄州洞山守初禪師

韶州雙峰竟欽禪師 蘄州北禪寂禪師

金陵奉先深禪師即深座上金陵清涼明禪師即明座上

益州香林澄遠禪師 鼎州德山圓明密禪師

隨州雙泉郁禪師 韶州披雲智寂禪師

南嶽般若啓柔禪師 饒州薦福古塔主已上五人 不列章次

睡龍溥嗣法一人

漳州保福清豁禪師

龍華照嗣法一人

台州瑞巖師進禪師不列章次

羅山閑嗣法三人

婺州明招德謙禪師 西川慧禪師

灌州靈巖和尚不列章次

瑞巖彥嗣法一人

温州瑞峰神祿禪師不列章次

玄泉孝嗣法一人

鄂州黃龍誨機禪師

白兆圓嗣法三人

鼎州大龍智洪禪師

安州白兆懷楚禪師

蘄州四祖清皎禪師

已上本  
列章次

青原下第八世

護國遠嗣法一人

雲頂敷禪師

不列  
章次

同安志嗣法一人

鼎州梁山緣觀禪師

羅漢琛嗣法四人

金陵清涼法眼益禪師

襄州清溪洪進山主

撫州龍濟紹修山主

金陵有涼休復禪師

延壽輪嗣法一人

江州歸宗道詮禪師

不列  
章次

白雲祥嗣法二人

連州寶華和尚

韶州月華和尚

巴陵鑒嗣法一人

靈澄散聖

智門寬嗣法二人

蘄州五祖戒禪師

荊州金鑾善禪師

不列  
章次

洞山初嗣法一人

南嶽福嚴雅禪師

不列  
章次

奉先深嗣法一人

蓮華峰祥菴主

德山密嗣法二人

鼎州文殊真禪師

鼎州普安道禪師已上不列章次

雙泉郁嗣法一人

鼎州德山慧遠禪師不列章次

香林遠嗣法一人

復州北塔祚禪師不列章次

黃龍機嗣法二人

棗樹仁世和尚

嘉州黑水和尚

青原下第九世

梁山觀嗣法一人

郢州大陽警玄禪師

法眼益嗣法一十七人

天台德韶國師

金陵清涼泰欽禪師

金陵報恩玄則禪師

金陵報慈文遂導師即玄真也

漳州羅漢智依禪師

金陵淨德達觀禪師

金陵報慈行言導師

高麗道峰慧炬國師

撫州崇壽契稠禪師

洪州雲居清錫禪師

洪州百文道常禪師

江州歸宗真禪師

杭州寶塔紹巖禪師

江州歸宗三柔禪師

江州歸宗省一禪師

子昭首座

子方上座

已上一十三人  
不列章次

清溪進嗣法二人

相州天平從濟禪師

廬山圓通德禪師不列章次

歸宗詮嗣法一人

筠州九峰義詮禪師

不列章次

五祖戒嗣法三人

洪州泐潭澄禪師

筠州洞山寶禪師

五祖秀和尚

已上不  
列章次

金鑿善嗣法三人

湖州上方齊岳禪師

澧州夾山遵禪師

福州靈峰顯英禪師

已上不  
列章次

福巖雅嗣法一人

潭州北禪智賢禪師

文殊真嗣法一人

筠州洞山曉聰禪師

德山遠嗣法三人

廬山開先善暹禪師

吉州禾山楚才禪師

興元府承天辯禪師

已上不  
列章次

北塔禪嗣法四人

明州雪竇重顯禪師

襄州延慶子榮禪師

潭州雲蓋繼鵬禪師

筠州九峯勤禪師

已上三人不列章次

青原下第十世

大陽玄嗣法二人

慧州羅浮如禪師

舒州授子青禪師

不列章次

國師韶嗣法五人

杭州永明延壽禪師

温州仙巖安禪師

杭州五雲志逢禪師

蘇州長壽朋彦禪師

温州瑞鹿本先禪師

已上三人不列章次

清涼欽嗣法一人

洪州雲居道齊禪師

百丈常嗣法一人

廬山棲賢澄謔禪師

不列章次

歸宗柔嗣法一人

廬山羅漢行林禪師

不列章次

泐潭澄嗣法一人

明州育王懷璉禪師

不列章次

北禪賢嗣法一人

洪州法昌倚遇禪師

不列章次



洞山聰嗣法三人

江州雲居曉舜禪師

杭州佛日契嵩禪師

潭州瀉山宥禪師

已上不列章次

開先暹嗣法三人

廬山萬杉善爽禪師

雲居佛印了元禪師

東京智海本逸禪師

已上不列章次

雪竇顯嗣法五人

蘇州薦福義懷禪師

杭州承天傳宗禪師

饒州安國省侗禪師

越州天衣在和禪師

潭州龍興智傳禪師

已上不列章次

延慶榮嗣法一人

江州圓通訥禪師

不列章次

右自青原下相繼第七世至第十世視大鑿為十一世星分共一百三十一人見錄機緣凡一百卅八則餘不脩載

未詳承嗣

保寧長老

与明招相見

國泰深和尚

与明招相見

朗上座

与王太傅相見

清八路

与明招相見

志依上座

与雪竇相見

右凡五人各有語句附在相見人本章

拈提宗師

玄沙備禪師 保福展禪師 雲門偃禪師

五祖戒禪師 首山念禪師 百丈常禪師

雪竇顯禪師 清涼欽禪師 報慈遂導師

瑯琊覺禪師 薦福懷禪師 翠巖芝禪師

黃龍南禪師 雲峯悅禪師 白雲端禪師

為山喆禪師

續

浮山遠禪師 保寧勇禪師 薦福懷禪師

黃龍心禪師 五祖演禪師 圓通秀禪師

昭覺勤禪師 黃龍清禪師 蔣山勲禪師

泐潭清禪師 護國元禪師 為山果禪師

天童覺禪師 徑山杲禪師 薦福行禪師

西禪需禪師 天童華禪師 徑山印禪師

道場全禪師 淨慈一禪師 天童傑禪師

東禪觀禪師 靈隱岳禪師

青原下第七世

漳州羅漢桂琛禪師

嗣玄沙

問僧甚處來僧云秦州來

師云將得什麼物來僧云不將得物來師云汝為

什麼對眾謗語僧無對師却問云秦州豈不是出

鸚鵡僧云鸚鵡出在隴西師云也不較多

為山喆云這僧親從秦州來為什麼道對眾

謗語要會麼作客慇懃帶累主人拖泥涉水

師與長慶保福入州見牡丹花障子福云好一朵壯

丹花慶云莫眼花師云可惜一朵花

報慈遂云三尊宿語還有親疎也無如羅

漢與麼道落在什麼處

續黃龍心云據此三人見處 人超佛越祖一

人自利利他一人謬已却問僧你道自謬底是誰僧云莫眼花師云此去更深夜靜迥絕無人處更去共伊商量始得

師問僧你在招慶有什麼異聞底事試舉看僧云不敢錯舉師云真底事作麼生僧云和尚回什麼如此師云汝話墮也

師曰同中塔侍玄沙次沙乃打中塔一棒云就名就體中塔不對沙乃問師云作麼生會師云這僧

一棒不知來處

師曰爲玄沙作忌齋請報恩和尚契藥石報恩看佛養位不見有真遂問師還有真麼師以手揖云看恩云元來無真師云大似不看相似

師曰玄沙問三界唯心汝作麼生會師指椅子云和尚喚這箇作什麼沙云椅子師云和尚不會三界唯心沙云我喚這箇作竹木汝喚作什麼師云某甲亦喚作竹木沙云盡大地覓一箇會佛法底人不可得

師見僧來乃豎起拂子示之僧便作禮師云你見箇

什麼便作社僧云謝和尚指示師便打云見我豎起拂子便道謝和尚指示見我每日掃床掃地爲甚不道謝和尚指示

師一日捕田次見僧新到乃問從甚處來僧云南州來師云彼中近日佛法如何僧云商量浩浩地師云爭如我這裏栽田博飯喫僧云爭奈三界備師云喚什麼作三界

瀉山喆云清貧長樂濁富多憂

師問僧甚處來僧云南方師云南方知識有何言句示徒僧云彼中道金屑雖貴眼裏著不得師云我

道須彌在你眼裏

翠巖芝云且道地藏還免得這僧麼

師曰修山主悟空法眼三人到院阻雨雪向火次師附爐乃問山河大地與上座自己是同是別修云別師豎兩指修云師亦豎兩指便去

師問保福僧彼中佛法如何示人僧云保福有時示衆云塞却你眼教你覩不見塞却你耳教你聽不聞坐却你意根教你分別不得師云吾問你我不塞你眼見箇什麼不塞你耳你聞箇什麼不坐你意根你作麼生分別僧於言下有省

福州安國慧球禪師問了院主先師道盡十方世界  
是箇真實人體你還見僧堂麼主云和尚莫眼花  
師云先師遷化肉猶煖在

師示衆云我此間粥飯日緣然與兄弟舉唱終是不  
常如今欲得省要却是山河大地舉明其事却常  
亦能究竟若泛文殊門入者一切有爲土木瓦礫  
悉皆助你發機若泛觀音門入者一切善惡音響  
乃至蝦蟇曲蟾爲你舉揚若泛普賢門入者不動  
步而到我今以此三門助汝方便如將一隻折筋  
攪大海水令彼魚龍知水爲命離水一分魚龍不

全性命還會麼若無智眼而審之任你百般善巧  
不爲究竟先大慈話亦同此

瑯琊覺云雖是善目而招惡果

續保寧勇云大衆東西南北四維上下望着磕  
着不覺不知過在什麼處良久云紅粉易成  
端正女無錢難作好兒郎 薦福行云若據  
山僧檢點安國自己性命亦未知落處在者  
裏一隻折筋也不消得莫有甬口奪食者麼  
若無山僧不免向灸瘢上更下一焦去也拍  
禪床下座 東禪觀云安國一時嚼飯餵嬰

兒不知傍觀惡心

泉州招慶法曰禪師嗣長師作桶頭常與衆僧語話

一日長慶入寮見乃云尔每日口嘮勞作什麼師

云一日不作一日不食慶云與麼則磨弓錯箭去

師云專待尉遲來慶云尉遲來後如何師云待伊

筋骨徧地眼睛突出慶便出去

福州報慈光雲禪師曰閩王問報慈與神泉相去近

遠師云若說近遠不如親到却問六王日應千差

是什麼心王云什麼處得心來師云豈有無心者

王云那邊事作麼生師云請向那邊問王云大師

謾別人即得

師問僧近離甚處僧云臥龍師云在彼多少時僧云

經冬過夏師云龍門無宿客爲甚在彼許多時僧

云獅子窟中無異獸師云汝試作師子吼看僧云

若作師子吼即無和尚師云念汝新到且放汝三

十棒

雪竇顯云竒恠諸禪德若平展則兩不相傷

據令則彼此俱噏還檢點得麼

婺州報息曉悟寶資禪師曰僧問波騰鼎沸起必全

真未審古人意如何師乃叱之僧云與麼則非次

也師云你話隨也又云我話亦隨汝作麼生僧無對

新羅龜山和尚曰僧舉裴相國問僧看什麼經僧云無言童子經國云有幾卷僧云兩卷國云既是無言為什麼却有兩卷僧無對師代云若論無言非唯兩卷

泉州王延彬太尉曰入佛殿指鉢盂問師主這箇是什麼鉢主云藥師鉢尉云只聞有降龍鉢主云待有龍即降尉云忽遇拏雲變浪來又作麼生主云他亦不顧尉云話隨也

玄沙備云盡你神力走向什麼處去 保福

展云皈依佛法僧 百丈常作覆鉢勢 雲

門偃云他日生天莫辜負老僧 瀉山喆云

殿主只知瞻前不知顧後太尉神威既逞殿

主鉢盂猶覆大瀉當時若見他道拏雲變浪

來時如何托起鉢盂道盡汝神力直饒八大

龍王來也只得振威斥愬

太尉因長慶舉似雪峯曾豎拂示僧其僧便出去若據此僧合喚轉與一頓棒尉云和尚是什麼心行慶云泊合放過



太尉因到招慶煎茶次時朗上座與明招把茶銚忽  
翻却茶銚尉見乃問上座茶鑪下是什麼朗云捧  
爐神尉云既是捧爐神為什麼翻却茶朗云事官  
千日失在一朝尉拂袖便去明招云朗上座喫却  
招慶飯了却向江外打野裡朗云上座作麼生招  
云非人得其便

雪竇顯云當時但踏倒茶爐 瀋山詰云王

太傅大似相如奪壁怒髮衝冠明招也是忍  
後不禁難逢快便大瀉若做朗上座當時見  
問但呵呵大笑何故見之不取千載難追

福州永隆彦端禪師

嗣安國瑤

一日陞堂眾集從座而起

作舞謂眾云會麼良久云山僧不捨道法而現凡  
夫事作麼不會

泉州招慶省澄禪師

嗣保福展

因保福入殿觀佛像乃舉

手問師佛與麼意作麼生師云和尚也是橫身福  
云一槩我自取師云和尚非唯橫身福然之

漳州報恩道熙禪師曾與保福送書往泉州王太尉  
處尉問漳南和尚近日還爲人也無師云若道爲  
人即屈著和尚若道不爲人又屈太尉尉云道取  
一句待鐵牛能嚙草木馬解含煙師云某甲惜口

續編要卷十  
喫飯耐良久又問驢來馬來師云驢馬不同途尉  
云爭得到這裏師云謝太尉領話

韶州白雲子祥禪師嗣雲門偃問僧不壞假名而談實相  
作麼生僧云這箇是椅子師以手撥云與我拈鞋  
袋來僧無語師云這虛頭漢後雲門聞乃云須是  
他始得

岳州巴陵顯鑑禪師因雲門舉雪峯云開却門達磨  
來也意作麼生師云築著和尚鼻孔門云修羅王  
惡發打須彌山一擗踣跳上梵天報帝釋爲什麼  
却去日本國裏藏身師云莫恁麼心行好門云汝

襄州洞山守初禪師到雲門門問近離甚處師云查  
渡夏在甚處師云湖南報慈門云甚時離彼中師  
云八月二十五門云放汝三頓棒師明日却上問  
訊昨日蒙和尚放三頓棒不知過在甚處門云飯  
袋子江西湖南便與麼去師於言下有省遂云他  
時異日向無人煙處卓箇菴子不畜一粒米不種  
一莖菜接待十方往來善知識盡與伊抽釘拔楔  
拈却臍脂帽子脫却鶻鼻布衫教伊灑灑地作箇  
明眼衲僧豈不俊哉快哉雲門云飯袋子身如椰  
子大開得許大口

雪竇顯云雲門氣宇如王撝著便冰消瓦解  
當時若據令而行子孫也未到斷絕白雲  
端云大小雲門被洞山一問直得額頭汗出  
口裏膠生

續保寧勇別雲門後語云這瞎漢將謂你是箇  
人便打天童傑云雲門放去太奢收來太  
儉末後殷勤何不與他本分草料致令和泥  
合水洞山恁麼悟去也是杓卜聽虛聲靈  
隱岳云諸方盡謂父子投機啐啄同時殊不  
知雲門正令不行却向草窠裏鞞致令洞山

打失鼻孔直至于今無摸索處

師問僧甚處來僧云汝州師云此去多少僧云七百  
師云踏破幾緗草鞋僧云三緗師云甚處得錢買  
僧打笠子師云叅堂去僧應喏而去

韶州雙峯竟欽禪師示衆云進一步即迷理退一步  
即失事饒你一向兀然立又同無情時有僧問如  
何得不同無情去師云動轉施為僧云如何得不  
迷理失事去師云進一步退一步僧便作禮師云  
向來有人與麼會老僧不肯伊僧云請和尚直指  
師便打出

續昭覺勤云如鷹擊雀似鷓提鳩細中之細妙  
中之妙進一步不迷退一步不失事所謂  
恁麼中不恁麼不恁麼中却恁麼就中是未  
後一著光前絕後

蕪州北禪悟空寂禪師問僧甚處來僧云黃州師云  
在什麼院僧云資福師云福將何資僧云兩重公  
案師云爭奈在北禪手裏何僧云在和尚手裏即  
收取師便打僧不甘師隨後趁出

雪竇顯云奇怪宛有超師之作還知這僧麼  
只解貪前不能顧後若在雪竇手裏棒折也

未放在

深明二上座

即奉先清  
淵二禪

曰闍僧問法眼如何是色眼

豎拂子或云鷄冠花或云貼肉汗衫二師特特而  
去遂問承和尚有三種色語是不眼云是深云鷓  
子過新羅便歸衆其時李浚主在座下不肯乃白  
法眼云來晨為置茶筵寡人請此二人重新問話  
明日李主置茶筵仍備綵帛一箱劍一口語二師  
云今日請上座重新問話若問得是奉賞雜綵若  
問不是只賜一劍法眼於是陞座深乃出問今日  
奉勅問話師還許也無眼云許深云鷓子過新羅

便捧綵而去衆一時散法燈作維那不肯乃打鐘  
集衆僧堂前勘辨問云承聞二上座在雲門會下  
多時有什麼奇特因緣請舉一兩則來商量看深  
云古人道白鷺下田千點雪黃鸝上樹一枝花維  
那作麼生商量法燈擬議深乃打一坐具便歸衆  
二師回到淮河見人牽網有鯉魚透出深云明兄俊  
哉一似箇衲僧明云雖然如此爭似當初不撞入  
纏羅好深云明兄你欠悟在明至半夜方省  
益州香林澄遠禪師在衆日普請鋤草次有一僧云  
看俗家失火師云那裏失火僧云不見那師云不

見僧云者瞎漢是時一衆皆言遠上座敗闕智門  
寬和尚後聞舉嘆云須是我遠兄始得

漳州保福清豁禪師

詞 睡

曰僧問家貧遭劫時如何

師云不能盡底去僧云爲什麼不盡底去師云賊  
是家親僧云既是家親爲什麼翻成家賊師云內  
既無應外不能爲僧云忽然捉敗功歸何所師云  
賞亦未曾聞僧云恁麼則勞而無功師云功即不  
無成而不取僧云既是成功爲什麼不取師云不  
見道太平本是將軍致不許將軍見太平或與曹山語同  
續徑山杲云絲來線去弄精

發州明招漣謙禪師嗣羅在泉州招慶大殿上指壁

間盡問僧云那箇是什麼神僧云護法善神師云  
會昌沙汰時向甚處去來僧無對師却令僧問演  
侍者演云汝什麼劫中遭此難來其僧復舉似師  
師云直饒演上座他後聚一千衆有什麼用處僧  
乃作禮請師別語師云什麼處去也

師問國泰瑫和尚云古人道俱胝只念三行呪便得  
名超一切人作麼生與他拈却三行呪便得名超  
一切人國泰豎起一指師云不目今日爭識得瓜  
州客

續泐潭清云明招只識得瓜州客且不識國泰

直饒識得國泰也未夢見俱胝老在 保寧

勇代與一掌

師到招慶有度上座問云羅山尋常道諸方盡是麩  
飯唯有羅山是一味白飯兄從羅山來乃展手云  
白飯請些子師打兩掌度云將謂是白飯元來也  
是麩飯師云癡人棒打不死度夜間舉似諸禪客  
次師近前云不審度云今日便是這箇上座瑫上  
座云不用下學就裏許作麼生道師云就裏許也  
道道瑫無對師云是汝諸人一時縛你一束倒卓

向尿躡下明日相見珍重

師到雙巖巖覩師風彩特異乃云某甲致一問問闍梨若道得便舍院與闍梨住若道不得即不舍金剛經云一切諸佛及諸佛法皆從此經出且道此經是何人說師云說與不說拈向那邊著只如和尚決定喚什麼作此經巖無對師却舉經云一切賢聖皆以無為法而有差別此則以無為法為極則憑何而有差別且如差別是過不是過若是過一切賢聖盡有過若不是過決定喚什麼作差別巖亦無對師云雪峯道底

師到泉州坦長老處坦云夫參學一人所在亦須到半人所在亦須到師便問一人所在即不問作麼生是半人所在坦無對遂却令小師問師師云汝欲識半人麼也只是弄泥團漢

師會下有僧去住菴一年後却來禮拜師云古人道三日不相見莫作舊時看乃撥開胸云你道我這裏有幾莖蓋膽毛僧無語師却問你什麼時離菴僧云今日早朝師云來時折脚鐺子分付與阿誰僧又無語被師喝出

師因清八路舉仰山插鋏話問古人意在插鋏處义

手處師云清上座清應喏師云遠曾夢見仰山麼  
清云不要上座下語祇要商量師云若要商量堂  
頭自有五百人老師在

師曰迅庵主在高司徒宅見挂彌勒愷子師指彌勒  
佛喚云庵主主應喏師云這漢還徹也未主無語  
師云黃連和根煮也未是苦後國泰代但合掌云  
善哉善哉師云和尚與他隣舍住庵即得

師在招慶因普請去王大傳宅取木佛傳乃問大衆  
云忽遇丹霞又作麼生衆無語師當時提起向頂  
上云也要分付著人

師一日去保寧於中路逢見保寧師便問兄是道伴  
中人乃自點鼻頭云這箇闕塞我不可徹與我拈  
却少時得麼寧云和尚有來多少時師云噫洎賺  
我踏却一網草鞋便轉國泰代云非但某甲諸佛  
亦不奈何師云曰什麼以已妨人

師在疾一日國泰深和尚來問候侍者通報云深師  
叔來師乃令請深纔入方丈師便云阿哪阿哪深  
師叔救取老僧深云和尚有什麼救處師舉頭一  
覷云咦眼子烏喑喑地依前是舊時深上座乃回  
身面壁更不相見



續徑山印云明招若不轉身面壁其甚面目見  
國泰一疾尚不奈何豈況出入生死

師病愈往國泰深乃領衆出接至門首師乃指金剛  
云者兩箇漢在這裏作什麼深擅拳作金剛勢師云  
殿裏黃面老子笑你

師象勝光和尚繞跨門光便垂足師云伎倆已足拂  
袖便下

師在婺州智者寺爲第一座尋常不受淨水主事云  
不識觸淨淨水也不肯受師下床拈起淨餅云這  
箇是觸是淨主事無語師乃撲破淨餅

西川慧禪師謁台州勝光和尚值光在繩牀上坐師  
直到身邊叉手立光問什麼處來師云猶待答話  
在便下去光乃拈拂子下僧堂前見師提起拂子  
問云閣梨喚這箇作什麼師云敢死喘氣光低頭  
便歸方丈

師初參羅山總禮拜起山云甚處來師云遠離西蜀  
近發開元却近前云即今事作麼生山揖云喫茶  
去師擬議間山云秋氣稍暖出去師到法堂上自  
嘆云我在西川峨眉山脚下拾得一箇石上寫  
撥凡天下今日到福建道陳

去也休休山明日陞堂師又  
者誰山便喝師無對山云羽王  
去

鄂州黃龍誨機禪師編玄嘗問巖頭如何是祖師西  
來意頭云汝還解救養麼師云解頭云且救養去  
師後到玄泉又問如何是西來意泉拈起一莖阜  
角云會麼師云不會泉放下作洗衣勢師便禮拜  
云將知佛法無別泉云汝見什麼道理師云某甲  
曾問巖頭師翁頭云汝還解救養麼也只是解黏  
和尚提起阜角亦是解黏所以道無別泉呵呵大

笑師曰此忽然信入

普原下第八世

鼎州梁山緣觀禪師

嗣同安志

因僧問家賊難防時如何

師云識得不為冤僧云識後如何師云貶向無生  
國僧云莫是他安身立命處也無師云死水不藏  
龍僧云如何是活水龍師云拏雲不吐霧僧云或  
遇傾湫倒嶽來時如何師下繩牀把住云莫教濕  
却老僧袈裟角

續黃龍清云梁山老漢洞達機宜堪稱作者爭  
奈借便開門展轉令人著賊黃龍即不然才

見伊問家賊難防時如何便與一刀兩段教  
伊永絕窺窬之地然雖如是忽有个衲僧出  
來却指山僧云賊賊又作麼生支遣具眼者  
辨取 護國元云梁山只解步步登高不解  
沒空放下若是山僧即不然待他道忽遇傾  
湫倒嶽時如何只向他道雲在嶺頭閑不澈  
天童華云梁山和尚與賊相戰兵刃交接填  
然鼓之雖不棄甲曳兵而走要且只解戰賊  
不解殺賊有問山僧家賊難防時如何劈脊  
便打何故不見道齊之以禮

金陵清涼法眼益禪師

羅漢

問脩山主毫鰲有甚天

地懸隔兄作麼生會主云毫鰲有老天地懸隔師  
云與麼又爭得主云某甲只與麼未審和尚作麼  
生師云毫鰲有老天地懸隔主便拜

五祖戒出法眼劈脊便打

續保寧勇云脩山主當時也好向法眼道與麼  
會又爭得 徑山杲云法眼與脩山主絲來  
線去綿綿密密扶起地蔵門風可謂滿目光  
生若是徑山門下更買草鞋行脚始得何故  
毫鰲有老天地懸隔甚處得這消息來

師一日拈起香匙問悟空云兄不得喚作香匙畢竟喚作什麼悟空云香匙師不肯悟空却後二十餘日方省

師示衆云這裏聚集少時為上座僧堂裏這裏聚集少時為上座三門頭這裏聚集少時為上座寮舍裏為復說上座過別有道理會下有數尊宿對一人道諸佛出世也有這箇方便一人云今日離章義一人云你道伊為什麼處一人云點燈葺上座來多時也一人云什麼處聚集來

師問僧甚處來僧云泗洲禮拜大聖來師云大聖今年出塔麼僧云出師却問傍僧你道這僧曾到泗洲麼

續浮山遠云者僧到即到泗洲只是不見大聖道場全云者僧見即見大聖不會識法眼東禪觀云者僧到也到泗洲見也見大聖識也識法眼只是自討頭不見

師曰僧來叅次以手指簾尋有二僧齊去捲簾師云一得一失

續黃龍清云法眼如鑊錘在手殺活臨時二僧既齊卷簾且道那箇得那箇失還會麼世事

但將公道斷人心難與月輪齊

師有云盡十方世界皎皎地無一絲頭若有一絲頭  
即是一絲頭

清涼欽云若有一絲頭不是一絲頭

師有時指橙子云識得橙子周巾有餘沒雲門道識  
得橙子天地懸殊

雪竇顯云澤廣藏山理能伏豹 雲峰悅云

官不容針私通車馬

續薦福懷云識得橙子是楠木做 五祖演云  
者兩箇漢一人過船一人渡水若檢點得出

許你具正法眼 圓通秀舉法眼雲門天衣

語了云山僧道識得攪子四脚著地大眾其  
間一出一沒半合半開有得有失有親有疎  
具眼禪人一任驗取 泐潭清舉法眼雲門

雪竇語了云三箇漢總是依他作解明昧兩  
歧不脫見聞如水中月黃龍即不然逼塞乾  
坤外開張日月前 徑山杲云識得攪子好  
剃頭洗脚雖然如是錯會者多 天童華云  
向周巾有餘處會理上偏枯向天地懸殊處  
會事上偏枯且道歸宗為人在什麼處犀目

翫月紋生角象被雷驚花入牙

師因開井被沙塞却泉眼乃問僧泉眼不通被沙塞道眼不通被什麼物礙僧無對師自代云被眼礙師曰有子方上座自長慶來師舉先長慶稜和尚偈問作麼生是萬象之中獨露身方遂舉拂子師云恁麼會又爭得方云和尚尊意如何師云喚什麼作萬象方云古人不撥萬象師云萬象之中獨露身說甚撥不撥方豁然有省

師問脩山主云仰山四門光道應眼時全身耳應耳時全身眼兄作麼生會脩云眼裏底作耳裏底用耳裏底作眼裏底用師云正是弄精魂修却問和尚如何師再舉一遍修方省

師久參長慶後却繼嗣地藏長慶會下有子昭首座平昔與師商確古今言句昭纔聞中心憤憤一日特領衆詣撫州責問於師師得知遂舉衆出迎特加禮待賓主位上各挂拂子一枝茶次昭忽變色抗聲問云長老開堂的嗣何人師云地藏昭云何太辜長慶先師某甲同在會下數十餘載商量古今曾無間隔因何却嗣地藏師云某甲不會長慶一轉回緣昭云何不問來師云長慶道萬象之中

獨露身意作麼生昭豎起拂子師便叱云首座此  
是當年學得底別作麼生昭無語師云只如萬象  
之中獨露身是撥萬象不撥萬象昭云不撥師云  
兩箇也于時衆隨一衆連聲道撥萬象師云萬象  
之中獨露身擗昭與一衆懣懣而退師指住云首  
座殺父殺母猶通懣懣大般若誠難懣懣昭竟  
無對自此却叅師發明已見更不開堂

襄州青溪洪進山主因有二僧禮地藏和尚藏云俱  
錯二僧無對下堂請益修山主云汝自巍巍堂  
堂却禮拜擬問他人豈不是錯師聞之不肯修乃

問未審上座如何師云汝自迷闇焉可為人修憤  
然上堂請益地藏藏指庫下云典座入庫頭去也  
修乃自省

撫州龍濟紹修山主問地藏古人道萬象之中獨露  
身意旨如何藏云汝道撥萬象不撥萬象師云不  
撥藏云兩箇也師駭然沉思却問未審古人撥萬  
象不撥萬象藏云喚什麼作萬象師方省

師問僧甚處來僧云翠巖來師云翠巖有何言句示  
徒僧云尋常道出門逢彌勒入門見釋迦師云與  
麼道又爭得僧便問和尚又如何師云出門逢阿

誰入門見什麼僧於言下有省

薦福懷云雖得一場榮則却一雙足且道落在賓家分上主家分上若定當得出處則共感樂則同歡山僧即不然出門則吳山楚水入門則佛殿行廊或有箇衲僧出問師意如何許伊具一隻眼

續西禪需云這僧悟即不爭奈未遇諦當青

天白日如被鬼迷龍濟白齒黃作恁麼語話懶庵即不然出門竹徑無人掃入戶方塘照影寒

師一日問訊地藏乃云某甲百劫千生曾與和尚違背來此者又值和尚不安藏遂豎起拄杖云這箇也不背師忽然契悟

師示衆云具足凡夫法凡夫不知具足聖人法聖人不會聖人若會即是凡夫凡夫若知即是聖人此語具一理二義若人辨得不妨於佛法中有箇入處若辨不得莫道不疑

續黃龍清云修山主只知布網張羅不覺自遭籠罩要得出身麼此亦有一理二義若人辨得未墮阿鼻徑山杲云點鐵化為金玉易



勸人除却是非難 淨慈一云直饒有箇入  
路要作什麼凡夫則是凡夫聖人則是聖人  
且道凡聖兩亡一句作麼生道閑持經卷倚  
松立笑問客從何處來

金陵清涼休復禪師在地藏經年不契直得成病入  
涅槃堂一夜地藏去看乃問海上座安樂麼師云  
某甲與和尚回緣背哉指燈籠云見麼師云見哉  
云祇這箇也不背師於言下忽省

連州寶華和尚問白雲祥問僧甚處來僧云大容來師云  
大容近日作麼生僧云近日来合得一甕醬師乃

喚沙彌將一椀水來與這僧照影

師曰僧泛法堂塔下過師乃敲繩床僧云若是這箇  
不請拈出師喜乃近前問之並無說處便打

韶州月華和尚曰有一老宿入到法堂顧視東西云  
好箇法堂要且無主師聞之乃云且坐老宿便問  
玄中鼠的猶是龜毛兔角不向二諦中修如何密  
用師云側老宿云與麼則拗折拄杖割斷草屨去  
也師云細而詳之

靈徹散聖見巴曰寬和尚問甚處來師云水清月現  
寬云好好借問師云褊衫不染皂寬云喫茶去

師一日上堂問訊寬和尚寬云上座到來數日且得安樂師云波濤好煮羹寬云作者个去就師云王字不著點寬撫掌大笑

蘄州五祖戒禪師嗣智嘗問僧近離甚處僧云東京師云還見天子也無僧云常年一度出金明池師云有理可怒無理難容出去

蓮華峰祥庵主嗣奉拈拄杖示衆云古人到這裏為甚不肯住衆無對自云為他途路不得力復云畢竟如何又自云擲擗橫檐不顧人直入千峰萬峰去

棗樹第二世和尚

嗣黃龍機

因僧鋤地次見師來乃合掌

問訊師云見阿誰了便不審僧云見師不問訊禮數不全師云却是辜負老僧其僧歸堂舉似第一座座云和尚近日可謂為人切師聞乃打首座七棒座云某甲與麼道未有過亂打作麼師云枉喫許多鹽醋又打七棒

師因僧辭乃云若到諸方有人問你老僧此間法道作麼生對僧云待他問即道師云何處有無口底佛僧云祇這也還難師豎起拂子云還見麼僧云何處有無眼底佛師云祇這也還難僧遶禪林一

而而出師云善能祇對僧便喝師云老僧不識子  
僧云要識作麼師敲牀三下

續蔣山懃云棗樹有口如啞者僧有眼如盲遶

禪床一而敗軍之將敲禪床三下弓折箭盡

師問僧發足甚處僧云闔中師云俊哉僧云謝師指

示師云屈哉僧作禮師云我與麼道落在什麼處

僧無語師云彼自無瘡勿傷之也

續蔣山懃云凡為宗師言不處發者僧既是闔

中來有何俊哉謝師指示有何屈哉還見得

請訛麼若見得方信道棗樹在山僧拂子頤

上無風起浪好肉剜瘡其或未然老僧罪過

彌天

嘉州黑水和尚叅黃龍機和尚乃問雪覆蘆花時如

何龍云猛烈師云不猛烈龍又云猛烈師又云不

猛烈龍便打師因而有省

青原下第九世

郢州大陽明安警玄禪師嗣梁山觀因問梁山如何是無

相道場梁指觀音云此是吳處士畫師擬進語梁

急索云這箇是有相底那箇是無相底師於言下

領悟作禮却依本位立梁云何不道取一句來師

云道即不諱恐難上紙墨梁乃印可

天台德韶國師嗣法師在衆時問龍牙云天不能蓋

地不能載時如何牙云道者合如是師累經一十

七次問牙云道者若為你說恐尔已後罵我去在

師後住天台通玄峯因澡浴次忽省前話便具威

儀焚香望龍牙禮拜云當時若與我說破我今日

定罵他也

師因曾問承古有言敲打虛空鳴磬磬石人木人齊

應諾六月降雪紛紛此是如來大圓覺如何是

敲打虛空底師云崑崙奴著鐵袴打一棒行一步

僧云與麼則石人木人齊應喏也師云你還聞麼

金陵清涼法燈欽禪師示衆云某甲本欲歸山葺拙

養道過時奈緣先師有未了底公案出來了却時

有僧問如何是先師不了底公案師拈拄杖打云

祖祢不了殃及兒孫僧云過在什麼處師云過在

我殃及你

翠巖芝云為衆竭力禍出私門 雲峰悅云

這老漢一期與奪也似光前絕後及乎撥著

又却龍頭蛇尾如今莫有為清涼作主底麼

續昭覺勤云法燈縱域中終活握閻外威權直

得氣槩驚羣風標獨立山僧卑志本亦如斯  
今日出來只緣五祖先師有箇見成公案對  
衆舉揚有不惜性命底出來挨拶看如無不  
免自拈弄去也喝一喝擊拂子 天童覺云  
者僧若是箇漢出來便與掀倒禪床不惟自  
已有出身之路亦免祖祢不了殃及兒孫  
東禪觀云千鈞上弦必思麤戰寸鐵入手惟  
恐無敵者僧既不惜出來好大家割捨理會  
却只恁麼把伊塗糊一上所以清涼公案至  
今未了

金陵報恩玄則禪師曰法眼問曾見什麼人來師云  
見青峰和尚眼云有什麼言句師云某甲曾問如  
何是學人自己峯云丙丁童子來求火眼云上座  
作麼生會師云丙丁屬火將火求火如將自己求  
自己眼云與麼會又爭得師云某甲只與麼未審  
和尚尊意如何眼云你問我我與你道師問如何  
是學人自己眼云丙丁童子來求火師於言下頓  
悟

師開堂日李王與法眼俱在會有僧問龍吟霧起虎  
嘯風生學人知是出世邊事到此為甚不會師云

會取好僧舉頭看師又看法照乃扭身入衆眼與  
李王當時失色眼歸方丈令侍者喚問話僧至眼  
云上座適來問底話許你具眼你於人天衆前何  
不禮拜覆却便撼一坐具其僧三日後吐光而終  
金陵報慈玄覺遂導師聞鳩子鳴乃問僧是什麼聲  
僧云鶉鳩聲師云欲得不招無間業莫謗如來正  
法輪

相州天平山從漪禪師

嗣清溪進

回到西院居常自言莫

道會佛法今時覓一个舉話人也無西院知一日  
遙見乃召云從漪師舉頭院云錯師行三兩步院

又云錯師近前院云適來這兩錯是西院錯上座  
錯師云某甲錯院云錯師休去院云且在這裏過  
夏待共上座商量者兩錯師當時便行住院後謂  
衆云我當初行脚時被業風吹到思明長老處被  
他連下兩錯更留我過夏待共我商量我不道與  
麼時錯叢足南方去時早知道錯了也

首山念云據天平作與麼會解未夢見西院  
在何故話在

續瀉山果云天平似則似是則未是何故貪程  
太速當時才見道且在此中也夏待共上座

商量這兩錯便好擒住二過即不薛這兩  
錯作麼生商量待伊擬議掀倒禪床便行非  
惟慶快平生亦乃坐斷天下人舌頭

潭州北禪智賢禪師

嗣福  
嚴雅

歲夜小參云年窮歲盡無

可與諸人分歲且烹箇露地白牛炊黍米飯向槽  
拙火唱村田樂何故免見倚他門戶傍他牆剛被  
時人喚作郎下座歸方丈少時有倚遇上座入方  
丈喚云和尚門外有公人來師云作什麼遇云道  
勾和尚納筋角師遂捋下頭帽拋在地遇乃從地  
拾之師便擒住云捉賊捉賊遇却將帽覆師頂云

天寒且還和尚師呵呵大笑

筠州洞山曉聰禪師

嗣文  
殊真

或新到參便問為山水牯

牛上座作麼生會前沒皆不契曰雪竇到亦乃垂  
問雪竇云作後人標榜師擬道雪竇以坐具拂一  
下便行師云且來上座竇云未參堂

明州雪竇明覺顯禪師

嗣北  
塔祚

曰六人新到相者便問

參頭夫為上將須是七事隨身兩刃交鋒作麼生  
僧云久嚮翠巖有此一著師云一著放過還我草  
鞋錢來僧便喝師便棒僧約住主丈與師一拍師  
云未到翠峰与你二十棒了也

無語師云且在

一邊却問第二副將作麼生僧並云一狀領  
過喫茶了師把住衆頭云適來公案這裏即與麼  
堂中作麼生舉僧擬議師打一坐具推出

師因數人新到來師乃云新到那僧云是師云衆堂  
去僧便去師復喚來來其僧迴師云洞庭難得師  
僧與你一椀茶喫

師游方時問大龍云語者默者不是非語非默更非  
總是總不是拈却大用現前時人知有未審大龍  
如何龍云子有如是見解師云這老漢瓦解冰消  
龍云放你三十棒師禮拜歸衆龍却喚適來問話

底僧來師便出龍云老僧因什麼瓦解冰消師云  
轉見敗闕龍作色云耐耐耐師休去後舉似南  
嶽雅和尚雅云大龍何不與本分草料師云和尚  
更須行脚

師示衆云諸人要知真實相為麼但以上無攀仰下  
絕已躬自然常光現前个个壁立千仞

雲峰悅云雪竇恁麼為人入地獄如箭

師舉古云眼裏著沙不得耳裏著水不得忽若有个  
漢信得及把得住不受人謗祖佛言教是什麼熟  
椀鳴聲便請高挂鉢囊切折拄杖首取一真無事



道人又舉古云即裏著得須彌山耳裏著得大海  
水一般漢受人商量祖佛言教如龍得水似虜靠  
山却須挑起鉢囊橫擔拄杖亦是一負無事道人  
復云与麼也不得不与麼也不得然後沒交涉三  
負無事道人中要選一人爲師

師因新到人事便問還有作家禪客麼衆頭云和尚  
道什麼師云點即不到僧擬議師便喝僧無語師  
云龍頭蛇尾次問第二个僧僧指衆頭云和尚問  
何不祇對師与一掌僧無語師指云第三个如何  
其僧茫然師云一狀領過

師問新到闍梨甚處人僧提起坐具師云鰕跳不出  
斗僧云踔跳師便打僧云更踔跳師又打僧便走  
師喚回僧便作礼云觸忤和尚師云我要這話行  
你又走作什麼僧云已遍天下了也師復打五棒  
僧云有諸方在師云你只管喫棒師又喚第二底  
近前來問甚處人僧云鼎州人師云敗也僧云青  
天白日師云兩重公案僧云恰是師以拄杖指云  
你擬踔跳僧擬議師亦打五棒衆頭云這僧喫棒  
與某甲不同師一時喚近前僧珍重便走師隨後  
與一拄杖

師問羅漢林禪師云法尔不尔如何指南林云只為  
法尔不尔師云大眾記取某甲話頭拂衣歸眾林  
下堂却令侍者請師至方丈問上座適來不肯老  
僧那師云和尚當代宗匠某甲焉敢不肯林云你  
為甚拂衣歸眾師云和尚還許某甲說道理也無  
林云你說看師拍一拍下去

師問僧近離甚處僧云和尚道什麼師云我問你近  
離甚處僧退身立師云克由耐耐不言來處將拄  
杖來僧云某甲近離奉川師云打野樵漢何不早  
與麼道

師到太湖有余巡檢請師并志依上座齋臨起檢問  
界官今日命二衲僧齋得何果報師云圖他一粒  
米失却半年糧依云臨行方覺主人寬師召舍人  
舍人擡頭師指依云塚根衲子齋他有甚利益巡  
檢大笑師便起去

青原下第十世

惠州羅浮山如禪師

嗣大陽玄

大陽問師什處人師云益

州人陽云此去多少里師云五千里陽云汝與麼  
來還曾踏著麼師云不曾踏著陽云汝解騰空那  
師云不解騰空陽云既不解騰空爭得到這裏師

云步步不迷方隨身無辨處陽云汝得超方三昧  
師云聖心尚不得三昧豈彰名陽云如是如是汝  
應諦信此即大體全彰理事不二善自護持

杭州永明延壽禪師

嗣部

因二僧來參乃問參頭曾

到此間不僧云曾到又問第二上座曾到不僧云  
不曾到師云一得一失少選侍者問遠來二僧未  
審那箇失那箇得師云你曾識這二僧也無者云  
不曾識師云同坑無異土

温州僊巖安禪師因看楞嚴經到知見立知即無明  
本知見無見斯即涅槃當時乃破句讀云

知見立 知即無明本 知見無 見斯即涅槃

於此忽有悟入後人語師云破句讀了也師云此  
是我悟處畢生讀之不易

洪州雲居齊禪師

嗣清涼

問僧什麼處來僧云堂中來

師云何得謾語

翠巖芝云若不如是爭知如是

師曰法燈問適來有人問如何是祖師西來意老僧  
向伊道不東不西藏主作麼生師云不東不西燈  
云與麼會又爭得師其時懵然莫知其旨至晚再  
伸請益燈云他家小見系在師於言下頓然矣

悟有頌云接物利生絕外生終是不肖他家自有兒孫將來使用恰好

右青原下凡一十世共二百六十四人機緣共五百五十四則自世尊下至此十卷總八百五十九人內六百一十三人見錄機緣總一千三百二十三則間有遺漏竝異好事者採撫續之

比丘懷瑛  
施刊板

續集宗門統要第十終

### 宗門統要集記

唯此一事實蓋列祖直指於見性  
如安心得髓自東震道之所以興  
焉問答繇是雷轟宗徒以茲星布  
名編盛錄何帝百家統宗會源皆

歸一揆余嘗試論因緣語路誠先德  
不得已而興至今簧鼓叢林何嘗  
不在是非同異之間者哉旣往不  
祈嚮可乎輒搜古今節要機緣凡  
一千餘則首標宗胤次列因緣

拈提代別撫先天之要妙

之見聞就中刪補泛濫異同故不  
雄成逆寡蓋取乎大意而已窮  
諸詳悉如各人所集可見此不備  
載博覽賢達無以封文見讓則幸

莫大焉時巨宋元符歲次庚辰  
中秋日建溪宗永比丘錄次故書  
云云

東嘉謝君明棊

